



## НОВИ САД

# ДВАЦЕЦ ОДСТО ВЕЩЕЙ ЖИТЕЛЬНОХ

Попис жительствова у општинох у Новим Садзе, Београдзе, Нишу, Крагуевцу и Шиду бул предлужени за 2 дні, бо у векших городох не пописане вельке число жительствох.

Як гварене у Републичним заводу за статистику, по потерашніх прелиминарних резултатох обробени коло 7,4 милиони лістки, але резултати ище не прецизни, бо ше дзепоедни граждане пописали два

раз. Тиж студенти у студентских домох пописани, а пописали их и родичи у местох одкаль приходза. Перши прецизнейши резултати попису буду познати 15. новембра.

У Новим Садзе, спрам перших прелиминарних податкох, ест коло 355 тисячи особи, цо за 20 одсто вещей як на предходним попису.

Як гварела начальница Одделеня за попис жительствова у Републич-

ним заводзе за статистику Снежана Лакчевич, у Новим Садзе и пригородских местох пописани коло 320 тисячи особи, а у Петроварадину коло 31 тисяча.

Нови Сад еден од ридких городох у Сербії у хторим число жительствова звекшане, а зазначени позитивни природни прирост и миграційни салдо.

А. Д.